

本草綱目草部目錄第二十卷

草之九 石草類一十九種

石斛 本經

骨碎補 開寶

石韋 本經

金星草 嘉祐

石長生 本經

紅茂草附

石莧 圖經

景天 本經

佛甲草 圖經

虎耳草 綱目

石胡荽 四聲

螺麝草 拾遺

酢漿草 唐本

三葉附

地錦 嘉祐

瘡小

離鬲草 拾遺

仙人草 拾遺

仙人掌草 圖經

崖椶 圖經

半天回

雞翁藤附

紫背金盤

圖經

白龍鬚

綱目

右附方舊十新四十七

本草綱目草部第二十卷

草之九 石草類一十九種

石斛

本經上品

釋名石薺

別錄

金釵

綱目

禁生

本經

林蘭

同

杜蘭

別錄

時珍曰石

斛名義未詳其莖狀如金釵之股故古有金釵石斛之稱今蜀人栽之呼為金釵花盛弘之荊州記云永陽龍石山多石斛精好如金釵是矣

林蘭杜蘭與木部木蘭同名恐誤

集解

別錄

曰石斛

生六安山谷水旁石上七月八月

采莖陰乾弘景曰今用石斛出始興生石

上細實以桑灰沃之

色如金形如蚌蜃髀者佳近

道亦有次于宣城者其生櫟木上者名木斛其莖

至虛長大而色淺不入丸散惟可為酒漬煮之用

俗方最以補虛療腳膝恭曰今荆襄及漢中江左

本草綱目草部

石斛

石斛

二

又有二種一種似大麥累累相連頭生一葉而性冷名麥斛一種莖大如雀髀葉在莖頭名雀髀斛其他斛如竹而節間生葉也作乾石斛法以酒洗蒸暴成不用灰湯或言生者漬酒勝于乾者頌曰今荊州光州壽州廬州江州温州台州亦有之以廣南者為佳多在山谷中五月生苗莖似小竹節節間出碎葉七月開花十月結實其根細長黃色惟生石上者為勝宗奭曰石斛細若小草長三四寸柔韌折之如肉而實今人多以木斛混之亦不能明木斛中虛如木長尺餘但色深黃光澤耳時珍曰石斛叢生石上其根糾結甚繁乾則白軟其莖葉生皆青色乾則黃色開紅花節上自生根鬚人亦折下以砂石栽之或以物盛挂屋下頻澆以水經年不死俗稱為千年潤石斛短而中實木斛長而中虛甚易分別處處有之以蜀中者為勝

脩治

蒸之從已至酉徐徐焙乾用入補藥乃效
數曰凡使去根頭用酒浸一宿暴乾以酥拌

氣味甘平無毒

普曰神農甘平扁鵲酸李當之寒時珍曰甘淡微鹹之才曰陸英為

之使惡凝水石巴豆畏雷丸疆蠶

主治傷中除痹下氣補五臟虛

勞羸瘦強陰益精久服厚腸胃

本經

補內絕不足平

胃氣長肌肉逐皮膚邪熱痹氣腳膝疼冷痹弱定

志除驚輕身延年

別錄

益氣除熱治男子腰腳軟弱

健陽逐皮肌風痺骨中久冷補腎益力

甄權

壯筋骨

煖水臟益智清氣

日華

治發熱自汗癰疽排膿內塞

時珍

發明

斆曰石斛鎮涎澀丈夫元氣酒浸酥蒸服滿一鎰永不骨痛也宗奭曰石斛治胃中虛熱

有功時珍曰石斛氣平味甘淡微鹹陰中之陽降也乃足太陰脾足少陰右腎之藥深師云囊溼精少小便餘瀝者宜加之一法每以二錢入生薑一片水煎代茶飲甚清肺補脾也

附方新二新睫毛倒入川石斛川芎翳等分爲末口內

珍飛蟲入耳石斛數條去根如筒子一邊紅入耳中四畔以蠟封閉用火燒石斛盡則

止薰右耳則蟲從左出未出更作聖濟

骨碎補

宋開寶

釋名猴薑拾遺胡猴薑志石毛薑日華石菴藺藏器曰

本名猴薑開元皇帝以其主傷折補骨碎故命此名或作骨碎布訛矣江西人呼爲胡猴薑象形也

時珍曰菴藺主折傷破血此物功同故有菴藺之名

集解

志曰骨碎補生江南根寄樹石上有毛葉如菴藺藏器曰嶺南虔吉州亦有之葉似石韋

而一根餘葉生于木大明曰是樹上寄生草根似薑而細長頌曰今淮浙陝西夔路州郡皆有之生

木或石上多在背陰處引根成條上有黃赤毛及短葉附之又抽大葉成枝葉面青綠色有青黃點

背青白色有赤紫點春生葉至冬乾黃無花實采根入藥宗奭曰此苗不似薑亦不似菴藺每一大

葉兩旁小葉又牙兩兩相對葉長有尖瓣也時珍曰其根扁長畧似薑形其葉有極缺頗似貫眾葉

謂葉如菴藺者殊謬如石韋者亦差

根脩治

數曰凡采得用銅刀刮去黃赤毛細切蜜拌潤甑蒸一日曬乾用急用只焙乾不蒸

亦得也

氣味苦溫無毒

大明曰平

主治破血止血補傷折

開寶主

骨中毒氣風血疼痛五勞六極足手不收上熱下

冷甄權

惡疾蝕爛肉殺蟲

大明

研末豬腎夾煨空心食

治耳鳴及腎虛久泄牙疼

時珍

發明

頌曰骨碎補入婦人血氣藥蜀人治閃折筋

時珍曰骨碎補足少陰藥也故能入骨治牙及久

泄痢昔有魏刺史子久泄諸醫不效垂殆予用此

藥末入豬腎中煨熟與食頓住蓋腎主大小便久

泄屬腎虛不可專從脾胃也雷公炮炙論用此方

治耳鳴耳亦腎之竅也案戴原禮症治要訣云痢

后下虛不善調養或遠行或房勞或外感致兩足

痿軟或痛或痺遂成痢風宜用獨活寄生湯加虎

骨四斤丸仍以骨碎補三分之一同研取汁酒解

服之外用杜牛膝杉木節萆薢白芷南星

煎湯頻頻薰洗此亦從腎虛骨痿而治也

附方

舊二
新三

虛氣攻牙

齒痛血出或癢痛骨碎補二
兩銅刀細剉瓦鍋慢火炒黑

為末如常揩齒良久吐之
法出靈苑方不獨治牙痛極能堅骨固牙益精髓

去骨中毒氣疼痛牙動將落者
數擦立住再不復動經用有神
風蟲牙痛乳骨碎補

分爲末糊丸塞孔中名
金針丸 聖濟總錄 耳鳴耳閉 骨碎補削作細

之蘇 病後髮落 胡孫薑野薔薇
氏圖經 嫩枝煎汁刷之 腸風失血 胡孫

存性五錢酒或米
飲服 仁存方

石韋

本經
中品

釋名石韠 音石皮 別石蘭

弘景曰蔓延石上生葉
如皮故名石韋 時珍曰

柔皮曰韋
韠亦皮也

集解

別錄曰石韋生華陰山谷石上不聞水聲及

出建平者葉長大而厚恭曰此物叢生石旁陰處

亦不作蔓其生古瓦屋上者名瓦韋療淋亦好須

曰今晉絳潞海福州江甯皆有之叢生石上葉如

柳背有毛而斑點如皮福州別有一種石皮三月

有花采作浴湯治風時珍曰多生陰崖險罅處其

葉長者近尺闊寸餘柔韌如皮背有黃毛亦有金

星者名金星草葉凌冬不凋又一種如杏葉者亦生石上其性相同

脩治

別錄曰凡用去黃毛射人肺令人欬不可療

用乾

大明曰入藥去梗須微炙用一法以羊脂炒

氣味苦平無毒

別錄曰甘權曰微寒之才曰滑石

砂礬石

杏仁射干為之使得菖蒲良制丹

主治勞熱邪氣五癰閉不通利小便水道本經止煩

下氣通膀胱滿補五勞安五臟去惡風益精氣別錄

治淋瀝遺溺日華炒末冷酒調服治發背頌主崩漏

金瘡清肺氣時珍

附方新小便淋痛石韋滑石等分為末每聖濟小便轉

脬石韋去毛車前子各二錢半水崩中漏下石韋

每服三錢温酒服甚效便前有血石皮為末茄子枝煎氣熱

欬嗽石韋檳榔等分為末薑湯服二錢聖濟錄

金星草宋嘉祐

本草綱目卷之二十一 金星草

釋名金釧草

圖經

鳳尾草

綱目

七星草

時珍曰即石韋之有金星者圖

經重出七星草併入

集解

禹錫曰金星草西南州郡多有之以戎州者為上喜生背陰石上淨處及竹箐中少日色

處或生大木下及背陰古瓦屋上初出深綠色葉長一二尺至深冬背生黃星點子兩兩相對色如

金因得金星之名無花實凌冬不凋其根盤屈如竹根而細折之有筋如豬馬鬣五月和根采之風

乾用頌曰七星草生江州山谷石上葉如柳而長作蔓延長二三尺其葉堅硬背上有黃點如七星

采無時

氣味苦寒無毒

頌曰微酸崔昉曰制三黃砂汞礬石

主治發背癰瘡結核解硫黃丹石毒連根半斤酒

五升銀器煎服先服石藥悉下亦可作末冷水服

方寸匕塗瘡腫殊效根浸油塗頭大生毛髮嘉祐烏

髭髮頌解熱通五淋涼血時珍

發明頌曰但是瘡毒皆可服之然性至冷服后下

石毒發于背及一切癰腫以其根葉二錢半酒一

大盞煎服取汁不惟下所服石藥兼毒去瘡

愈也如不飲酒則為末以新汲水服以知為度時珍曰此藥大抵治金石發毒者若憂鬱氣血凝滯

而發毒者非所宜也附方新舊一五毒發背金星草和根淨洗慢火焙乾

分作四服每服用酒一升煎二三沸更以溫酒三

二升相和入餅器內封固時時飲之忌生冷油肥

毒物
經驗方
熱毒下血
金星草陳乾薑各二兩為末每
服一錢新汲水下
本專方

腳膝爛瘡
金星草背上星刮下
集簡方

石長生
本經
下品

釋名
丹草
本經
丹沙草
時珍曰四時不凋故曰長生

集解
別錄曰石長生生咸陽山谷弘景曰俗中時有采者方藥不復用近道亦有是細細草葉

花紫色南中多生石巖下葉似蕨而細如龍鬚黑如光漆高尺餘不與餘草雜也恭曰苗高尺許五

六月采莖葉用今市人用鮑筋草為之葉似青菖莖細勁紫色今太常用者是也時珍曰宋祁益部

方物記長生草生山陰蕨地修莖茸葉色似檜而澤經冬不凋

氣味
鹹微寒有毒
普曰神農苦雷公辛桐
主治寒

熱惡瘡大熱辟鬼氣不祥本經下三蟲別錄治疥癬逐

諸風治百邪魅權

附錄紅茂草圖經頌曰味苦大涼無毒主癰疽瘡腫焙研為末冷水調貼一名地沒藥

一名長生草春采根葉時珍曰案庚辛玉册云通泉草一名長生草多生古道丘壟荒蕪之地葉似地丁中心抽一莖開黃白花如雪又似麥飯摘下經年不槁根入地至泉故名通泉俗呼禿瘡花此草有長生之名不知與石長生及紅茂草亦一類否故並附之

石莧宋圖經

集解頌曰生筠州多附河岸沙石上春生苗莖青高一尺以來葉如水柳而短八九月土人采

之

氣味辛苦有小毒主治同甘草煎服主齁齶又吐

風涎頌

附錄石垂

頌曰生福州山中三月花四月采子生擣為末丸服治蠱毒

景天

本經上品

釋名慎火

本經

戒火

同

救火

別錄

據火

同

護火

綱目

辟火

同

火母

別錄弘景曰眾藥之名景天為麗人皆益盛養于屋上云可辟火故曰慎火方用亦

希

集解

別錄曰景天生太山川谷四月四日七月七日采陰乾頌曰今南北皆有之人家種于中

庭或盆置屋上春生苗葉似馬齒莧而大作層而上莖極脆弱夏中開紅紫碎花秋後枯死亦有宿

根者苗葉花並可用宗奭曰極易種折枝置土中澆溉旬日便生也時珍曰景天人多栽于石山上二月生苗脆莖微帶赤黃色高一二尺折之有汁葉淡綠色光澤柔厚狀似長匙頭及胡豆葉而不尖夏開小白花結實如連翹而小中有黑子如粟粒其葉味微甘苦煉熟水淘可食

正誤

弘景曰廣州城外有一樹大三四圍名慎火樹志曰嶺表人言並無此說蓋錄書者篡入

謬言非陶氏語也

氣味苦平無毒

別錄曰酸大明日寒有小毒可煨硃砂

主治大熱火瘡身熱煩邪惡氣

本經諸蠱毒痂疔寒

熱風痺諸不足

別錄療金瘡止血煎水浴小兒去煩

熱驚氣

弘景

風疹惡癢小兒丹毒及發熱

權

熱狂赤

眼頭痛寒熱遊風女人帶下

日華

花主治女人漏下赤白輕身明目

本經

附方

舊五新二

驚風煩熱

慎火

草煎水浴普濟方

小兒中風

汗出

中風一日頭頂腰熱二日手足不屈用慎火草乾

者半兩麻黃丹參白朮二錢半為末每服半錢漿

水調服三四歲服嬰孺風疹在皮膚不出及瘡毒

一錢聖濟錄取慎火苗葉五大兩

和鹽三大兩同研絞汁以熱熱毒丹瘡千金用慎

手摩塗日再上之圖經熱毒丹瘡火草擣汁

拭之日夜拭一二十徧一方入苦酒擣泥塗之○

楊氏產乳治烟火丹毒從兩股兩脇起赤如火景

天草真珠末一兩擣漆瘡作癢接慎火草塗眼生

如泥塗之乾則易漆瘡作癢之外臺眼生

花腎

澀痛難開景天

聖惠

產後陰脫

慎火草一斤陰乾酒五升

煮汁一升分四服
子母秘錄

佛甲草

宋圖經

集解

頌曰佛甲草生筠州多附石向陽而生似馬齒莧而細小且長有花黃色不結實四季皆

有時

珍曰二月生苗成叢高四五寸脆莖細葉柔澤如馬齒莧尖長而小夏開黃花經霜則枯人多

栽于石山瓦牆上呼為佛指甲救荒本草言高一二尺葉甚大者乃景天非此也

氣味甘寒微毒
主治湯火灼瘡研貼之

頌

虎耳草

綱目

釋名石荷葉

見下

集解

時珍曰虎耳生陰溼處人亦栽于石山上莖高五六寸有細毛一莖一葉如荷蓋狀人呼

爲石荷葉葉大如錢狀似初生小葵
葉及虎之耳形夏開小花淡紅色

氣味微苦辛寒有小毒獨孤滔曰
汁煮砂子

主治瘟疫搗酒服生用吐利人熟用則止吐利又

治聾耳擣汁滴之痔瘡腫痛者陰乾燒烟桶中薰

之時珍

石胡荽

四聲本草

校正

自菜部移入此

釋名

天胡荽

綱目

野園荽

同

鷲不食草

食雞腸草

名下

集解

時珍曰石胡荽生石縫及陰溼處小草也高
二三寸冬月生苗細莖小葉形狀宛如嫩胡

萎其氣辛薰不堪食驚亦不食之夏開細花黃色
結細子極易繁衍僻地則鋪滿也案孫思邈千金
方云一種小草生近水渠中溼處狀類胡荽名天
胡荽亦名雞腸草即此草也與繁縷之雞腸名同
異物

氣味辛寒無毒

時珍曰辛温汁
制砒石雄黃

主治通鼻氣利九竅吐風痰

炳

去目腎接塞鼻中

腎膜自落

藏器

療痔病

說

解毒明目散目赤腫雲翳

耳聾頭痛腦酸治痰瘧齁船鼻窒不通塞鼻瘖白

落又散瘡腫

時珍

發明

時珍曰驚不食草氣温而升味辛而散陽也
能通于天頭與肺皆天也故能上達頭腦而

治頂痛目病通鼻氣而落瘰肉內達肺經而治齁
船痰瘧散瘡腫其除瞽之功尤顯神妙人謂陳藏
器本草惟務廣博鄙俚之言也若此藥之類表出
殊功可謂務博已乎案倪惟德原機啟微集云治
目瞽啗鼻碧雲散用鷲不食草解毒為君青黛去
熱為佐川芎之辛破留除邪為使升透之藥也大
抵如開鍋蓋法常欲邪毒不閉令有出路然力小
而銳宜常啗以聚其力凡目中諸病皆可用之生
接更神玉璽集要詩云赤眼之餘瞽忽生草中鷲
不食為名塞于鼻內頻頻換三日之間復舊明

附方 七新寒痰齁喘 野園葵研汁和酒 啗鼻去瞽 碧雲

散治目赤腫脹羞明昏暗隱澀疼痛眵泪風癢鼻
塞頭痛腦酸外瞽扳睛諸病鷲不食草曬乾二錢
青黛川芎各一錢為細末噉水一口每以米許啗
入鼻內泪出為度一方去青黛 倪氏啟微集

貼目取瞽 鷲不食草擣汁熬膏一兩爐甘石火煅
童便淬三次三錢上等瓷器末一錢半

熊膽二錢 硃砂少許 爲極細末 和作膏 貼在醫上 一夜取 下用黃連 黃蘗 煎湯洗淨 看如有再貼

孫天仁 塞鼻治醫 詩見 牙疼 嗜鼻 驚不食 草絲裏 集效方

一口隨左右 嗜之一切腫毒 野園葵 一把穿山甲 亦可接塞 聖濟 一切腫毒 燒存性 七分當歸尾

三錢 插爛入酒 一盃絞汁 溼毒脛瘡 磚縫中生 出服以渣 傅之 集簡方

採取曬收 爲末 每以五錢 汞粉五分 桐油調 作隔紙膏 周圍縫定 以茶洗淨 縛上膏藥 黃水出五六

日愈此 吳竹卿 脾寒瘧疾 石胡荽 一把 杵汁 半盃 方也 簡便方

集簡 痔瘡腫痛 石胡荽 搗貼 方 之 同上

螺曆草

拾遺

釋名 鏡面草

時珍曰 皆象形也

螺曆草

集解 藏器曰蔓生石上葉狀似螺厝微帶赤色而光如鏡背有少毛小草也

氣味 辛 **主治** 癰腫風疹脚氣腫擣爛傅之亦煮湯

洗腫處 藏器 治小便出血吐血衄血齩齒痛 時珍

發明 時珍曰案陳日華經驗方云年二十六忽病小便后出鮮血數點而不疼如是一月飲酒

則甚市醫張康以草藥汁一器入少蜜水進兩服而愈求其方乃鏡面草也

附方 新 吐血衄血 鏡面草水洗搗酒 牙齒蟲痛 乾

生 意用鏡面草不拘多少以水缸下泥同擣成膏入香油二三點研勻貼于痛處腮上 楊氏家藏

方 用鏡面草半握入麻油二點鹽半捻按碎左疼塞右耳右疼塞左耳以薄泥餅貼耳門閉其氣仍

久 臥泥耳一二時去泥取草放水看有蟲浮出

乳婢苦此不能食
用之出數蟲而安
小兒頭瘡
鏡面粉草日乾為末和

楊氏
家藏方
手指腫毒
又指惡瘡消毒止痛鏡面蛇纏
草擣爛傅之壽域神方

惡瘡
鏡面草入鹽
解鼠莽毒
鏡面草自然汁清油
杵爛傅之妙
各一盃和服即下毒

三五次以肉粥補之
不可遲
張杲醫說

酢漿草
唐本
校正
併入圖經
赤孫施

釋名
酸漿
圖經
三葉酸
綱目
三角酸
綱目
酸母
綱目
醋母
蘇恭

酸箕
李當
鳩酸
蘇恭
雀兒酸
綱目
雀林草
綱目
小酸茅
蘇恭

赤孫施
圖經
時珍曰
此小草三葉酸也其味如醋
與燈籠草之酸漿名同物異唐慎微本草

以此草之方收入彼下誤矣
人謂之孫施則蘇頌圖經赤孫施生福州葉如浮

本草綱目卷之九 酢漿草

萍者卽此也孫施亦酸箕之訛耳今併爲一

集解

恭曰酢漿生道旁陰溼處叢生莖頭有三葉葉如細萍四月五月采陰乾保昇曰葉似水

萍兩葉并大葉同枝黃花黑實頌曰南中下溼地及人家園圃中多有之北地亦或有生者初生嫩

時小兒喜食之南人用揩鋤石器令白如銀時珍曰苗高一二寸叢生布地極易繁衍一枝三葉一

葉兩片至晚自合帖整整如一四月開小黃花結小角長一二分內有細子冬亦不凋方士采制砂

汞礪礬砒石

氣味酸寒無毒主治殺諸小蟲惡瘡痼癭搗傅之

食之解熱渴唐本**主小便諸淋赤白帶下同地錢地**

龍治沙石淋煎湯洗痔痛脫肛甚效搗塗湯火蛇

嗽傷時珍赤孫施治婦人血結用一搗洗煖酒服之

蘇頌

附方舊一小便血淋酸草搗汁煎五苓散服之俗名醋啾啾是也王璆百一

選諸淋赤痛三葉酸漿草洗併取自然汁一合酒一合和勻空心温服立通沈存中

靈苑二便不通酸草一大把車前草一握搗汁入砂糖一錢調服一盞不通再服

摘立赤白帶下三葉酸草陰乾為末空心温酒服三錢匕千金方痔瘡出

血雀林草一大握水二升煮一升癬瘡作癢雀兒服日三次見效外臺秘要

酸母草擦之數蛇虺螫傷酸草搗傅牙齒腫痛酸漿次愈永類方

草一把洗淨川椒四十九粒去目同搗爛絹片裹定如筋大切成豆粒大每以一塊塞痛處即止

本草綱目卷之二十一 酢漿草 附酸草 三葉句

節齋
醫論

附錄酸草

別錄有名未用曰主輕身延年生名山
體泉上陰厓莖有五葉青澤根赤黃可

以消玉一名醜草弘景曰李當之云是今
酸箕草布地生者處處有之然恐非也
三葉別錄

有名未用曰味辛主寒熱蛇蜂螫人生田中莖小
黑白高三尺根黑三月采陰乾一名三石一名當

田一名
赴魚

地錦

宋嘉祐

校正

併入有名未
用別錄地朕

釋名地朕

吳普

地噤

拾遺

夜光

吳普

承夜

吳普

草血竭

綱目

血

見愁

綱目

血風草

綱目

馬螳草

綱目

雀兒臥單

綱目

醬瓣草

綱目

草

玉糊猴頭草

別錄曰地朕

一名地錦

一名地噤

蔓延着地葉光

藏器曰地朕

一名地噤

蔓延着地葉光

藏器曰地朕

淨露下有光時珍曰赤莖布地故曰地錦專治血
病故俗稱爲血竭血見愁馬螳雀兒喜聚之故有

馬螳雀單之名醬瓣
糊獠頭象花葉形也

集解禹錫曰地錦草生近道田野出滁州者尤佳
莖葉細弱蔓延于地莖赤葉青紫色夏中葉

盛六月開紅花結細實取苗子用之絡石註有地
錦是藤蔓之類與此同名異物時珍曰田野寺院

及階砌閒皆有之小草也就地而生赤莖黃花黑
實狀如蒺藜之朶斷莖有汁方士秋月采煮雌雄

丹砂
硫黃

氣味辛平無毒別錄曰地朕
主治地朕主心氣女

子陰疝血結別錄地錦通流血脈亦可治氣嘉祐主癰

腫惡瘡金刃撲損出血血痢下血崩中能散血止

本草綱目卷之二十一 地錦

血利小便

時珍

附方

舊一新

臟毒赤白

地錦草洗暴乾為末米飲服一錢立止 經驗方

血痢不止

地錦草曬研每服二錢空

大腸瀉血

見血

愁少許薑汁和擣米飲服

婦人血崩

草血竭嫩者蒸熟以油鹽

薑淹食之飲酒一二盃送下或陰乾為末薑酒調服一二錢一服即止生于磚縫并砌間少在地上

也危亦 小便血淋

血風草井水搗服三度 金瘡

林得效方 惡瘡見血

方同 瘡瘍刺

骨 草血竭擣罨之自 癰腫背瘡

血見愁一兩酸漿

錢半焙乳香沒藥各一錢二分半為末每服七錢 熱酒調下如有生者搗酒熱服以渣傅之亦效

見愁惟雄瘡用之雌瘡風瘡疥癬血見愁草同滿

不用楊清叟外科方割破出血以血見愁草搗末傳

坤秘韞趾間雞眼搗傅之妙乾坤秘韞脾勞黃

疸如聖丸用草血竭羊羶草桔梗蒼朮各一兩甘

煎熬良久下藥末再以陳醋二盃入鍋下阜礬四兩

丸如小豆大每服三五丸空腹醋湯下一日二

服數日面色復舊也乾坤秘韞

附錄金瘡小草拾遺藏器曰味甘平無毒主金瘡

亦煮汁服斷血瘀及卒下血又預和石灰杵為丸

日乾臨時刮傅之生江南村落田野閒下溼地高

一二寸許如薺而葉短春夏

閒有淺紫花長一稜米許

離鬲草

拾遺

集解

藏器曰生人家堦庭溼處高二三寸苗葉似幕懸江東有之北地無也

氣味辛寒有小毒主治瘰癧丹毒小兒無辜寒熱

大腹痞滿痰飲膈上熱生研汁服一合當吐出宿

物去瘡爲上

藏器

仙人掌

拾遺

集解

藏器曰生堦庭閒高二三寸葉細有雁齒似離鬲草北地不生

氣味

缺

主治小兒酢瘡頭小而硬者煮湯浴并擣

傅丹毒入腹者必危可飲冷藥及用此洗之又接

汁滴目明目去翳

藏器

仙人掌草

宋圖經

集解

頌曰生合州筠州多于石上貼壁而生如人掌形故以名之葉細而長春生至冬猶有四

時采之

氣味苦澁寒無毒主治腸痔瀉血與甘草浸酒服

蘇頌焙末油調搽小兒白禿瘡

時珍

崖櫻

宋圖經

集解

頌曰生施州石崖上苗高一尺以來其狀如櫻四季有葉無花土人采根去粗皮入藥

氣味甘辛溫無毒主治婦人血氣并五勞七傷以

根同半天回雞翁藤野蘭根四味洗焙為末每服

二錢温酒下丈夫無所忌婦人忌雞魚溼麩

蘇頌

附錄雞翁藤

頌曰生施州蔓延大木上有葉無花味辛性温無毒采無時

半天

回

頌曰生施州春生苗高二尺以來赤斑色至冬苗枯土人夏月采根味苦濇性温無毒

野

蘭根

頌曰生施州叢生高二尺以來四時有葉無花其根味微苦性温無毒采無時方並見上

紫背金盤

宋經圖

集解

頌曰生施州苗高一尺以來葉背紫無花土人采根用時珍曰湖湘水石處皆有之名金

盤藤似醋筒草而葉小背微紫軟莖引蔓似黃絲搓之即斷無汁可見方士用以制汞他處少有○

醋筒草葉似木芙蓉而偏莖空而脆味酸開白花廣人以鹽醋淹食之

氣味辛濇熱無毒主治婦人血氣痛洗焙研末酒

本草綱目卷之二十一 附雞翁藤 半天回野蘭根

服半錢孕婦勿服能消胎氣忌雞魚羊血溼麩

白龍鬚

綱目

集解

時珍曰劉松石保壽堂方云白龍鬚生近水旁有石處寄生搜風樹節乃樹之餘精也細

如椶絲直起無枝葉最難得真者一種萬纏草生于白線樹根細絲相類但有枝莖稍粗為異誤用不效愚案所云二樹名皆隱語無從攷證

氣味

缺

平無毒主治男子婦人風溼腰腿疼痛左

癱右瘕口目喎斜及產後氣血流散脛骨痛頭目

昏暗腰腿痛不可忍並宜之惟虛勞癱痿不可服

研末每服一錢氣弱者七分無灰酒下密室隨左

右貼牀臥待汗出自乾勿多蓋被三日勿下牀見

風一方得疾淺者用末三錢瓷餅煑酒一壺每日

先服桔梗湯少頃飲酒二盞早一服晚一服保壽堂方

發明時珍曰保壽方云成化十二年盧玄真道士

盡落三年扶病入山得此方服百日復舊壽至百

歲乃卒凡男婦風溼腰腿痛先服小續命湯及滲

溼湯后乃服此凡女人產後腰腿腫痛先服四物

湯二服次日服此若癱瘓年久痰老氣微者服前

藥出汗三日之後則日服龍鬚末一分好酒下隔
一日服二分又隔一日服三分又隔一日服四分
又隔一日服五分又隔一日復從一分起如前法
周而復始至月餘其病漸愈謂之升陽降氣調髓
蒸骨追風逐邪排血安神忌房事魚鷺雞羊韭蒜
蝦蟹及寒冷動風之物又不可過飲酒及麪食只

宜米粥
蔬菜

附方

一新

諸風癱瘓

筋骨不收用白龍鬚根皮一兩
鬧羊花即老虎花七分好燒酒

三斤封固煮一炷香埋土中一夜能飲者三盃不能飲者一盃臥時服服至三五盃見效但知痛者

可治
仙皆效方

本草綱目草部第二十卷終

本草綱目草部目錄第二十一卷

草之十 苔類一十六種

陟釐 別錄
乾苔 食療
井中苔 別錄

船底苔 食療
石蕊 拾遺
地衣 日華即仰天皮

垣衣 別錄
屋遊 別錄
昨葉何草 唐本即瓦

松○紫衣附
烏韭 本經百藥草附
土馬驥 嘉祐

卷柏 本經地柏含生草附
玉柏 別錄
石松 拾遺

桑花 日華艾納附
馬勃 別錄

右附方舊三新三十三

草之十一 雜草九種有名未用一百五十三種

雜草 拾遺四種嘉祐二種綱目三種

百草花 井口邊草

樹孔中草 產死婦人家上草

雞窠草 豬窠草

燕蓐草 牛齒草

神農本經 別羈 屈草

名醫別錄 離婁草 黃護草

神護草 雀醫草

木甘草 益決草

九熟草

兌草 異草

灌草

葩草 莘草

英草華

封華 輿華

節華

讓實 羊實

桑莖實

可聚實 滿陰實

馬顛

馬逢

雞涅

燕齒

白背

赤舉

黃穠

紫藍

柴紫

曠石

石芸

盧精

河煎

師系

良達

姑活

黃白支

五母麻

常吏之生

兔棗

犀洛

土齒

青雌

赤涅

黃辯

糞藍

文石

敗石

竹付

唐夷

區余

并苦

戈共

白女腸

父陞根

五色符

載

鹿良

雀梅

金莖

白辛

赤赫

紫給

巴朱

路石

石劇

祕惡

知杖

王明

索干

船虹

白扇根

疥拍腹

救赦人者

慶

芥 靛

本草拾遺

鳩鳥漿
吉祥草

七仙草
雞腳草

兔肝草
土落草

斷罐草
倚待草

千金鏹
藥王草

筋子根
無風獨搖草

盧藥

海藥本草

宜南草

開寶本草

陀得花

圖經外類

建水草
催風使

百藥祖
刺虎

石逍遙
百兩金

黃寮郎
地茄子

黃花了
田母草

田麻
布里草

芥心草
茆質汗

苦芥子
胡堇草

小兒羣撮石合草

獨腳仙露筋草

本草綱目

九龍草水銀草

荔枝草透骨草

蛇眼草九里香

鷺項草白筵草

蛇魚草環腸草

劄耳草耳環草

銅鼓草

蠶繭草

野芟草

纖霞草

牛脂芳

鴨腳青

天仙蓮

雙頭蓮

豬藍子

天芥菜

佛掌花

郭公刺

籬箕柴

碎米柴

羊屎柴

山枇杷柴

三角風

葉下紅

滿江紅

隔山消

石見穿

醉醒草

墓頭回

羊茅

阿兒只

阿息兒

奴哥撒兒

本草綱目草部第二十一卷

草之十 苔類一十六種

陟釐

別錄中品

釋名側梨

恭

水苔

開寶

石髮

同

石衣

廣雅

水衣

說文

水綿

綱目薄

音覃

恭曰藥對云河中側梨

側梨陟釐聲相

目薄近也王子年拾遺記晉武帝賜張華側理紙

乃水苔為之後人訛陟釐為側理耳此乃水中粗

苔作紙青綠色名苔紙青濇范東陽方云水中石

上生者如毛綠色石髮之名以此時珍曰郭璞曰薄水草也一名石髮江東食之案石髮有二生水

中者為陟釐生陸地者為烏韭

陸地者為烏韭

集解

別錄曰陟釐生江南池澤

弘景曰此即南人

用作紙者惟合斷下藥用之志曰此即石髮

陸地者為烏韭

陸地者為烏韭

陸地者為烏韭

也色類苔而粗澀爲異水苔性冷浮水中陟釐性
溫生水中石上宗奭曰陟釐今人乾之治爲苔脯
堪啗青苔亦可作脯食皆利人汴京市中甚多頌
曰石髮乾之作菜以齏臠啗之尤美苔之類有井
中苔垣衣昔邪屋遊大抵主療畧同陸龜蒙苔賦
云高有瓦苔卑有澤葵散巖竇者曰石髮補空田
者曰垣衣在屋曰昔邪在藥曰陟釐是矣澤葵鳧
葵也雖異類而皆感瓦石之氣而生故推類而云
耳時珍曰陟釐有水中石上生者蒙茸如髮有水
污無石而自生者纏牽如絲綿之狀俗名水綿其
性味皆同述異記言苔錢謂之澤葵與鳧葵同名
異物蘇氏指爲鳧葵者誤矣苔賦所述猶未詳盡
蓋苔衣之類有五在水曰陟釐在石曰石濡在瓦
曰屋遊在牆曰垣衣在地曰地衣其蒙翠而長數
寸者亦有五在石曰烏韭在屋曰瓦松在
牆曰土馬騾在山曰卷柏在水曰薄也

氣味甘大溫無毒

主治心腹大寒溫中消穀強胃氣止洩痢別錄搗汁

服治天行病心悶日華作脯食止渴疾禁食鹽宗搗

塗丹毒赤遊時珍

乾苔食療

集解藏器曰乾苔海族之流也時珍曰此海苔也

博物志云石髮生海中者長尺餘大小如韭葉以肉雜蒸食極美張勃吳錄云紅離生海水中正青

侶亂髮乃海苔之類也蘇恭以此為水苔者不同水苔不甚鹹

氣味鹹寒無毒大明曰溫弘景曰柔苔寒乾苔熱

少血色瑞曰有咳嗽人不可食**主治**癭瘤結氣弘景治痔殺蟲及霍

本草綱目卷之五 乾苔

亂嘔吐不止煮汁服孟詵心腹煩悶者冷水研如泥

飲之即止藏器下一切丹石諸藥毒納木孔中殺蠹

日華消茶積瑞燒末吹鼻止衄血湯浸擣傅手背腫

痛時珍

發明時珍曰洪氏夷堅志云河南一寺僧盡患癩疾有洛陽僧共寮每食取苔脯同餐經數月

僧項贅皆消乃知海物皆能除是疾也

井中苔及萍藍別錄中品

集解弘景曰廢井中多生苔萍及磚土間多生雜草菜藍既解毒在井中者尤佳非別一物也

氣味甘大寒無毒主治漆瘡熱瘡水腫井中藍殺

野葛巴豆諸毒別錄療湯火傷灼瘡弘景

船底苔食療

氣味甘冷無毒

主治鼻洪吐血淋疾同炙甘草豉汁濃煎湯呷之

孟詵解天行熱病伏熱頭目不清神志昏塞及諸大

毒以五兩和酥餅末一兩半麩糊丸梧子大每溫

酒下五十丸時珍

發明時珍曰案方賢奇效方云水之精氣漬船板

之中感陰陽之氣故服之能分陰陽去邪熱調臟腑物之氣味所宜也

附方 二 舊 小便五淋 船底苔一團雞子大 乳石發動

小便淋瀝心神悶亂船底青苔半雞子大煎汁溫服日三四次 聖惠方

石蕊 拾遺 **校正** 併入有名未用別錄石濡

釋名 石濡 別錄 石芥 同 雲茶 綱目 蒙頂茶 時珍曰其狀如茶故名石芥

乃茶故字之誤

集解 藏器曰石蕊生太山石上如花蕊為丸散服之今時無復有此也王隱晉書唐褒入林慮

山食木實餌石蕊遂得長年即此也又曰石濡生石之陰如屋遊垣衣之類得雨即展故名石濡早

春青翠端開四葉山人名石芥時珍曰別錄石濡具其功用不言形狀陳藏器言是屋遊之類復出

石蕊一條功同石濡蓋不知其即一物也此物惟諸高山石上者為良今人謂之蒙頂茶生兗州蒙

山石上乃煙霧熏染日久結成蓋苔衣類也彼人
春初刮取曝乾餽人謂之雲茶其狀白色輕薄如
花蘂其氣香如葷其味甘澆如茗不可煎飲止宜
咀嚼及浸湯啜清涼有味唐襄入山餌此以代茗
而已長年之道未必盡緣此物也

氣味甘溫無毒

時珍曰甘澆涼

主治石濡明目益精氣令

人不飢渴輕身延年

別錄

石蕊主長年不飢

藏器

生津

潤咽解熱化痰

時珍

地衣草

日華

校正

併入拾遺土部仰天皮

釋名仰天皮

拾遺

掬天皮

綱目

集解

大明曰此乃陰溼地被日曬起苔蘚也藏器曰即溼地上苔衣如草狀者耳

氣味苦冷微毒

藏器曰平無毒

主治卒心痛中惡以人垢

賦為丸服七粒又主馬反花瘡生油調傳大明明目

藏器研末新汲水服之治中暑時珍

附方

新三

身面丹腫

如蛇狀者以雨滴階上卽愈

危氏得效

方雀目夜昏

七月七日九月九日取地衣草陰乾為末酒服方寸匕日三服一月愈

崔知悌方

陰上粟瘡

取停水溼處乾卷皮為末傳之神效外臺秘要

垣衣

別錄中品

釋名

垣羸

別錄

天韭

別錄

鼠韭

別錄

昔邪

別錄

集解

別錄曰垣衣生古垣牆陰或屋上三月三日采陰乾恭曰此卽古牆北陰青苔衣也其生

石上者名昔邪一名烏韭生屋上者名屋遊形並相似為療畧同江南少濇故陶弘景云方不復用俗中少見也時珍曰此乃磚牆城垣上苔衣也生屋瓦上者即為屋遊

氣味酸冷無毒主治黃疸心煩欬逆血氣暴熱在

腸胃暴風口噤金瘡內塞酒漬服之久服補中益

氣長肌肉好顏色別錄擣汁服止衄血燒灰油和傅

湯火傷時珍

屋遊別錄下品

釋名瓦衣綱目瓦苔嘉祐瓦蘚綱目博邪

集解別錄曰屋遊生屋上陰處八月九月采弘景曰此古瓦屋上苔衣也剝取用之時珍曰其

大... 屋遊

長數寸者即為瓦松也

氣味甘寒無毒主治浮熱在皮膚往來寒熱利小

腸膀胱氣別錄止消渴之才小兒癩熱時氣煩悶開寶煎

水入鹽漱口治熱毒牙齦宣露研末新汲水調服

二錢止鼻衄時珍

發明時珍曰別錄主治之證與本經烏韭文相同蓋一類性氣不甚遼遠也

附方新犬咬舊屋瓦上刮下青苔屑按之即止經驗方

昨葉何草唐本草

釋名瓦松唐本瓦花綱目向天草綱目赤者名鐵腳婆羅

門草綱目天王鐵塔草時珍曰其名殊不可解頌

集解恭曰昨葉何草生上黨屋上如蓬初生高尺餘遠望如松栽志曰處處有之生年久瓦屋

上六月七月采苗日乾

氣味酸平無毒時珍曰按庚辛玉冊云向天草即瓦松陰草也生屋瓦上及深山石

縫中莖如漆圓銳葉背有白毛有大毒燒灰淋汁沐髮髮即落誤入目令人瞽擣汁能結草砂伏雌

雄砂尤白礬其說與本草無毒及生眉髮之說相反不可不知

主治口中乾痛水穀血痢止血唐本生眉髮膏為要

藥馬志行女子經絡蘇頌大腸下血燒灰水服一錢又

塗諸瘡不斂時珍

附方

舊一新九小便沙淋瓦松即屋上無根草煎濃湯

良方經驗

通經破血

舊屋陰處瓦花活者五兩藜膏當歸鬚乾漆一兩燒煙盡當門

子二錢為末棗肉和丸梧子大每

染烏髭髮

乾瓦

斤半生麻油二斤同煎令焦為末

頭風白屑

瓦松

燒灰淋汁熱洗不過

牙齦腫痛

瓦花白礬等分水

方玄唇裂生瘡

瓦花生薑入鹽少

湯火灼傷

瓦松生

搗傅乾者為末醫方摘要

灸瘡不斂

瓦松陰乾為末先以槐枝葱白湯洗後摻之立效

濟生惡瘡不斂

上方同

風狗咬傷

瓦松雄黃研貼即

附錄紫衣

拾遺藏器曰味苦無毒主黃疸暴熱目黃沈重下水癩亦止熱痢煮服之作灰

淋汁沐頭長髮此古木錦
花也石瓦皆有之堪染褐

烏韭

本經下品

校正

移入有名未用別錄鬼麗

釋名石髮

唐本

石衣

日華本

石苔

唐本

石花

綱目

石馬驥

綱目

鬼

麗

與麗同弘景曰垣衣亦名烏韭而為療異非此
種類也時珍曰別錄主療之證與垣衣相同則

其為一類通名烏韭亦無害也但石髮與
陟釐同名則有水陸之性稍有不同耳

集解

別錄曰烏韭生山谷石上又曰鬼麗生石上
揆之曰乾為末恭曰石苔也又名石髮生巖

石之陰不見日處與卷柏相類藏器曰生大石及
木間陰處青翠茸茸者似苔而非苔也大明曰此
即石衣也長者
者可四五寸

氣味甘寒無毒

大明曰冷有毒
垣衣為之使

主治皮膚往來寒

本草綱目卷之九 附百蕊草

熱利小腸膀胱氣

本經

療黃疸金瘡內塞補中益氣

別錄燒灰沐頭長髮令黑

大明

附方

新三

腰腳風冷

石花浸酒飲之

聖惠方

婦人血崩

石花細茶焙為

末舊漆碟燒存性各一匙以盃盛酒放鍋內煮一滾乃入藥末露一宿侵晨連藥再煮一滾溫服

董炳避水方

湯火傷灼

石花焙研傅之海上方

附錄百蕊草

宋圖經頌曰生河中府秦州劍州根黃白色形如瓦松莖葉俱青有如松

葉無花三月生苗四月長及五六寸許四時采根曬用下乳汁順血脈調氣甚佳時珍曰烏韭是瓦

松之生于石上者百蕊草是瓦松之生于地下者也

土馬驥

宋嘉祐

集解

禹錫曰所在背陰古牆垣上有之歲多雨則茂盛或以為垣衣非也垣衣生垣牆之側此

生垣牆之上比垣衣更長故謂之馬鬣苔之類也時珍曰垣衣乃磚牆上苔衣此乃土牆上烏韭也

氣味甘酸寒無毒 **主治** 骨熱煩敗熱毒壅衄鼻

嘉祐

沐髮令長黑通大小便

時珍

附方

新

九竅出血

牆頭苔揆塞海上方

鼻衄不止

寸金散用牆上

土馬鬣二錢半石州黃藥子五錢為末

二便不通

新水服二錢再服立止

衛生寶鑑

土馬鬣井

服二錢水一盞煎服

耳上溼瘡

土馬鬣石馬鬣五倍

為末燈盞內油和 **少年髮白** 子半夏各一兩生薑

塗之 **聖濟錄** 二兩胡桃一箇膽礬半兩為末搗作一塊每以絹袋盛一彈子用熱酒入少許浸汁洗髮一月神效

濟錄 聖

卷柏 本經上品

釋名 萬歲 別錄曰 長生不死草 綱目 豹足 吳普求股 別錄 交時

別錄 時珍曰 卷柏豹足象形也 萬歲長生言其耐久也

集解 別錄曰 卷柏生常山山谷石間 五月七月采 陰乾 弘景曰 今出近道 叢生石土上 細葉似

柏 屈藏如雞足 青黃色 用之去下 近沙石處 禹錫 曰 出建康 范子計然曰 出三輔 頌曰 今關陝及沂

兗諸州 亦有之 宿根紫色 多鬚 春生苗似柏葉 而細拳攣如雞足 高三五寸 無花子 多生石上

修治 時珍曰 凡用以鹽水煮半日 再以井水煮半日 曬乾 焙用

氣味 辛平無毒 別錄曰 甘溫 普曰 神農 主治 五臟

邪氣女子陰中寒熱痛癥瘕血閉絕子久服輕身

和顏色本經止欬逆治脫肛散淋結頭中風眩痿躄

強陰益精令人好容顏別錄通月經治尸疰鬼疰腹

痛百邪鬼魅啼泣甄權鎮心除面疢頭風暖水臟生

用破血炙用止血大明

附方新二大腸下血卷柏側柏棕櫚等分燒存性為末每服三錢酒下亦可飯丸服

存方仁遠年下血卷柏地榆焙等分每用一兩水一百一選方

附錄地柏宋圖經頌曰主臟毒下血與黃芪等分

草生蜀中山谷河中府亦有之根黃狀如絲莖細上有黃點子無花葉三月生長四五寸許四月采

暴乾用蜀中九月采市多貨之時珍曰此亦卷柏之生于地上者耳

合生草拾遺藏器曰生 毒主婦人難產含之嚙汁即生

玉柏別錄有 名未用

釋名玉遂別錄藏器曰舊作 玉伯乃傳寫之誤

集解別錄曰生石上如松高五六寸紫花用莖葉 時珍曰此即石松之小者也人皆采置盆中

養數年不死呼為 千年柏萬年松

氣味酸溫無毒主治輕身益氣止渴別錄

石松拾遺

集解藏器曰生天台山石上似松高一二尺山人 取根莖用時珍曰此即玉柏之長者也名山

之皆有

氣味苦辛溫無毒主治久患風痺脚膝疼冷皮膚

不仁氣力衰弱久服去風血風瘙好顏色變白不

老浸酒飲良

藏器

桑花 日華

釋名桑蘚綱目桑錢

集解大明曰生桑樹上白蘚如地錢花
樣刀刮取炒用不是桑椹花也

氣味苦暖無毒主治健脾瀉腸止鼻洪吐血腸風

崩中帶下大明治熱欬

時珍

本草綱目卷之二十一 玉柏 石松 桑花

附方一新大便後血桑樹上白蘚花水煎服或末服亦止吐血聖惠方

附錄艾芮時珍曰艾芮生老松樹上綠苔衣也一名松衣和合諸香燒之烟清而聚不散

別有艾納香與此不同又嶺南海島中檳榔木上有苔如松之艾納單蒸極臭用合泥香則能發香如甲香也霏雪錄云金華山中多樹衣僧家以為蔬味極美

馬勃別錄下品

釋名馬疔音批馬窠窠音譬灰菰綱目牛屎菰

集解別錄曰馬勃生園中久腐處弘景曰俗呼馬窠勃是也紫色虛軟狀如狗肝彈之粉出宗

奭曰生溼地及腐木上夏秋采之有大如斗者小亦如升杓韓退之所謂牛溲馬勃俱收並畜者是

修治時珍曰凡用以生布張開將馬勃於上摩擦下以盤承取末用

氣味辛平無毒 **主治惡瘡馬疥** 別錄 **傳諸瘡甚良** 弘景

去膜以蜜拌揉少以水調呷治喉痺咽疼 宗奭 清肺

散血熱解毒 時珍

發明 時珍曰馬勃輕虛上焦肺經藥也故能清肺熱欬嗽喉痺衄血失音諸病李東垣治大頭

病咽喉不利普濟消毒飲亦用之

附方 新 **咽喉腫痛** 燕物不得馬勃一分蛇退皮一條燒末綿裹一錢含燕立瘥

聖惠 **走馬喉痺** 馬屁勃即灰菰焰消各一兩為末每吹一字吐涎血即愈 經驗方

聲失不出 馬竅勃馬牙消等分研末沙糖和丸芡子大噙之 摘玄方 **久嗽不**

止 馬勃為末蜜丸梧子每服二十丸白湯下即愈 普濟方 **魚骨哽咽** 馬勃末蜜丸彈

本草綱目卷之二十一 馬勃

子大噙嚙積熱吐血馬屎勃為末沙糖丸如彈子

聖濟錄大每服半丸冷水下珍妊娠吐衄服半錢聖惠方斑瘡入眼馬屎

皮各五錢皂角子十四箇為末入罐內鹽泥固濟燒存性研每溫酒服一錢閻孝忠集效方

瘡不斂葱鹽湯洗淨拭乾以馬屎勃末傅之即愈仇遠稗史

草之十一 雜草九種有名未用一百五十三種

時珍曰諸草尾瑣或無從考證不可附屬并本經及別錄有名未用諸草難遺者通彙於此以備考

雜草

百草拾遺藏器曰五月五日采一百種草陰乾燒

又燒灰和井華水作團煨白以醎醋和作餅腋下夾之乾即易當抽一身盡痛悶瘡出即止以小便

洗之不過三度愈時珍曰按千金方治洞注下痢以五月五日百草灰吹入下部又治瘰癧已破五月五日采一切雜草煮汁洗之

百草花拾遺藏器曰主治百病長生神仙亦煮汁釀酒服按異類云鳳剛者漁陽人常采百

花水漬泥封埋百日煎為丸卒死者納口中即活也剛服藥百餘歲入地肺山

井口邊草拾遺藏器曰小兒夜啼私着席下勿令母知思邈曰五月五日取井中倒生草

燒研水服勿令知即惡酒不飲或飲亦不醉也

樹孔中草綱目時珍曰主小兒腹痛夜啼暗着戶上即止出聖惠方

產死婦人冢上草拾遺藏器曰小兒醋瘡取之勿回顧作湯浴之不過三度瘥

燕蓐草宋嘉祐藏器曰即燕窠中草也無毒主眠中遺尿燒黑研末水進方寸匕亦止噦

〔時珍曰〕千金方治丈夫婦人無故尿血用胡燕窠中草燒末酒服半錢匕聖惠方消渴飲水燕窠中草燒灰一兩牡蠣煨二兩白羊肺一具切曬研末每新汲水三錢又一切瘡痕不滅用燕蓐草燒灰鷹屎白等分人乳和塗日三五次又浸淫瘡出黃水燒灰傅之

雞窠草

宋嘉祐大明曰小兒白禿瘡和白頭翁花燒灰知藏器曰小兒白禿瘡和

臘月豬脂和傅之以醋泔洗淨〔時珍曰〕千金方治產後遺尿燒末酒服一錢又不自秘方治天絲入

目燒灰淋汁洗之

豬窠草

〔大明曰〕小兒夜啼密安席下勿令母知

牛齡草

見獸部牛下

神農本草經

已下有名未用

屈草

本經曰味苦微寒無毒主胸脇下痛邪氣腸間寒熱陰痺久服輕身益氣耐老別錄曰生

漢中川澤

五月采

別羈

本經曰味苦微溫無毒主風寒溼痺身重四肢疼酸寒歷節痛別錄曰一名別枝生藍田

川谷二月八月采弘景曰方家時有用處今亦絕矣

名醫別錄

七十八種

離樓草

別錄曰味鹹平無毒主益氣力多子輕身長年生常山七月八月采實

神護草

別錄曰生常山北八月采可使獨守叱咄人寇盜不敢入門時珍曰物類志謂之護

門草一名靈草彼人以置門上人衣過草必叱之

王筠詩云霜被守宮槐風驚護門草即此也而不

著其形狀惜哉

黃護草

別錄曰無毒主癰益氣
令人嗜食生隴西

雀醫草

別錄曰味苦無毒主輕身益氣洗爛瘡
療風水一名白氣春生秋花白冬實黑

木甘草

別錄曰主療癰腫盛熱煮洗之生木間三
月生大葉如蛇狀四四相值但折枝種之

便生五月花白實核
赤三月三日采之

益決草

別錄曰味辛溫無毒主欬
肺傷生山陰根如細辛

九熟草

別錄曰味甘溫無毒主出汗止洩療悶一
名鳥粟一名雀粟生人家庭中葉如棗一

歲九熟
七月采

兌草

別錄曰味酸平無毒主輕身益氣
長年冬生蔓草木上葉黃有毛

異草

別錄曰味甘無毒主痿痺寒熱去黑
子生籬木上葉如葵莖旁有角汁白

灌草

別錄曰一名鼠肝
葉滑清白主癰腫

葩草

別錄曰味辛無毒主
傷金瘡○葩音起

萃草

別錄曰味甘無毒主盛傷癰
腫生山澤如蒲黃葉如芥

英草華

別錄曰味辛平無毒主痺氣強陰療女勞
疸解煩堅筋骨療頭風可作沐藥生蔓木

上一名鹿英
九月采陰乾

封華

別錄曰味甘有毒主疥瘡
養肌去惡肉夏至日采

愨華

音腆別錄曰味甘無毒
主上氣解煩堅筋骨

節華

別錄曰味苦無毒主傷中痿痺溢腫皮主脾
中客熱氣一名山節一名達節一名通漆十

月采
暴乾

讓實

別錄曰味酸主喉痹
止洩痢十月采陰乾

羊實

別錄曰味苦寒主頭禿
惡瘡疥瘙癩癰生蜀郡

桑莖實

別錄曰味酸溫無毒主乳孕餘病輕身益
氣一名草王葉如桂方莖大葉生園中十

采月

可聚實

別錄曰味甘溫無毒主輕身益氣明目一
名長壽生山野道中穗如麥葉如艾五月

采

滿陰實

別錄曰味酸平無毒主益氣除熱止渴利
小便長年深山中莖如芥葉小實

如櫻桃七月成

普曰蔓如瓜

馬顛

別錄曰味甘有毒
療浮腫不可多食

馬逢別錄曰味辛無毒主癩蟲

兔棗別錄曰味酸無毒主輕身益氣生丹陽陵地高尺許實如棗

鹿良別錄曰味鹹臭主小兒驚癇賁豚癰瘰大人瘞五月采

雞涅別錄曰味甘平無毒主明目寒風諸不足水腫邪氣補中止洩痢療女子白沃一名陰

洛生鷄山采無時

犀洛別錄曰味甘無毒主癰疾一名星洛一名泥洛

雀梅別錄曰味酸寒有毒主蝕惡瘡一名千雀生海水石谷閒弘景曰葉與實俱如麥李

燕齒別錄曰主小兒癩寒熱五月五日采

土齒別錄曰味甘平無毒主輕身益氣長年生山陵地中狀如馬牙

本草綱目卷下 名醫別錄

本草綱目卷之二十一
金莖

別錄曰味苦平無毒主金瘡內漏一名葉金草生澤中高處

白背

別錄曰味苦平無毒主寒熱洗惡瘡疥生山陵根似紫葳葉如燕盧采無時

青雌

別錄曰味苦主惡瘡禿敗瘡火氣殺三蟲一名蟲損一名孟推生方山山谷

白辛

別錄曰味辛有毒主寒熱一名脫尾一名羊草生楚山三月采根白而香

赤舉

別錄曰味甘無毒主腹痛一名羊飴一名陵渴生山陰二月花銳蔓草上五月實黑中有

核三月三日采葉陰乾

赤涅

別錄曰味甘無毒主疰崩中止血益氣生蜀郡出石陰地溼處采無時

赤赫

別錄曰味苦寒有毒主痂瘍惡敗瘡除三蟲邪氣生益州川谷二月八月采

黃穉

別錄曰味苦無毒主煩止汗出生如桐根

黃辯

別錄曰味甘平無毒主心腹疝瘕口瘡臍傷一名經辯

紫給

別錄曰味鹹主毒風頭洩注一名野葵生高陵下地三月三日采根根如烏頭

紫藍

別錄曰味鹹無毒主食肉得毒能消除之

糞藍

別錄曰味苦主身癢瘡白禿漆瘡洗之生房陵

巴朱

別錄曰味苦無毒主寒止血帶下生雒陽

柴紫

別錄曰味苦主小腹痛利小腹痛積聚長肌肉久服輕身長年生冤句二月七月采

文石

別錄曰味甘主寒熱心煩一名黍石生東郡山澤中水下五色有汁潤澤

路石

別錄曰味甘酸無毒主心腹止汗生肌潤痂益氣耐寒實骨髓一名陵石生草石上天雨

獨乾日出獨濡花黃莖赤黑三歲一實赤如麻子五月十月采莖葉陰乾

曠石

別錄曰味甘平無毒主益氣養神除熱止渴生江南如石草

敗石

別錄曰味苦無毒主渴癉

石劇

別錄曰味甘無毒止消渴

石芸

別錄曰味甘無毒主目痛淋露寒熱溢血一名螫烈一名顧啄三月五月采莖葉陰乾

竹付

別錄曰味甘無毒止痛除血

秘惡

別錄曰味酸無毒主療肝邪氣一名杜逢

盧精

別錄曰味平治蠱毒生益州

唐夷

別錄曰味苦無毒主療踳折

知杖

別錄曰味甘無毒療疝

河煎

別錄曰味酸主結氣癰在喉
頸者生海中八月九月采

區余

別錄曰味苦無
毒主心腹熱癰

王明

別錄曰味苦主身熱邪氣小兒
身熱以浴之生山谷一名王草

師系

別錄曰味甘無毒主癰腫惡瘡煮洗之一名
臣堯一名巨骨一名鬼芭生平澤八月采

并苦

別錄曰主欬逆上氣益肺氣安五臟一名
或薰一名玉荆三月采陰乾○或音或

索干

別錄曰味苦無毒
主易耳一名馬耳

良達

別錄曰主齒痛止渴輕身生
山陰莖蔓延大如葵子滑小

戈共

別錄曰味苦寒無毒主驚氣傷寒腹痛羸瘦
皮中有邪氣手足寒無色生益州山谷惡蜚

蠟

舩虹

別錄曰味酸無毒主下氣止煩渴可作浴湯藥色黃生蜀郡立秋取

姑活

別錄曰味甘溫無毒主大風邪氣溼痺寒痛久服輕身益氣耐老一名冬葵子生河東弘

景曰藥無用者乃有固活丸即是野葛之名冬葵亦非菜之冬葵子也恭曰別本一名雞精

白女腸

別錄曰味辛溫無毒主洩痢腸澼療心痛破疝瘕生深山山谷葉如藍實赤赤女腸同

白扇根

別錄曰味苦寒無毒主瘡皮膚寒熱出汗令人變

黃白支

別錄曰生山陵三月四月采根暴乾

父陞根

別錄曰味辛有毒以熨癰腫膚脹一名膏魚一名梓藻

疥拍腹

別錄曰味辛溫無毒主輕身療癩五月采陰乾

五母麻

別錄曰味苦有毒主痿痺不便下痢一名鹿麻一名歸澤麻一名天麻一名苦草生

田野五月采時珍曰茺蔚之白花者亦名天麻草

五色符別錄曰味苦微溫主欬逆五臟邪氣調中益氣明目殺蟲青符白符赤符黑符黃符

各隨色補其臟白符一名女木生巴山谷

救赦人者別錄曰味甘有毒主疝痹通氣諸不足生人家宮室五月十月采暴乾

常吏草生蜀本吏作更別錄曰味苦平無毒主明目實有刺大如稻梁

載別錄曰味酸無毒主諸惡氣

慶別錄曰味苦無毒主咳嗽

腠音戶瓦切別錄曰味甘無毒主益氣延年生山谷中白順理十月采

芥別錄曰味苦寒無毒主消渴止血婦人痰除癰一名梨葉如大青

本草拾遺 一十二種

鳩鳥漿

藏器曰生江南林木下高一二尺葉陰紫色冬不凋有赤子如珠味甘溫無毒能解

諸毒故名山人浸酒服主風血羸老頌曰鳩鳥漿生信州山野中春生青葉九月有花如蓬蒿菜花

淡黃色不結實實療

癰腫癩毒采無時

吉祥草

藏器曰生西國胡人將來也味甘溫無毒主明目強記補心力時珍曰今人種一種

草葉如漳蘭四時青翠夏開紫花成穗易繁亦名吉祥草非此吉祥也

雞腳草

藏器曰生澤畔赤莖對葉如百合苗味苦平無毒主赤白久痢成疳

兔肝草

藏器曰初生細葉軟似兔肝一名雞肝味甘平無毒主金瘡止血生肉解丹石發熱

斷罐草

藏器曰主丁瘡合白牙莖菜半夏地骨皮青苔蜂窠小兒髮緋帛等分五月五日燒

灰每湯服一錢拔根也

○葶音畜羊蹄根也

千金鏹

藏器曰生江南高二三尺主蛇蠍蟲咬毒搗傅瘡上生肌止痛

土落草

藏器曰生嶺南山山谷葉細長味甘溫無毒主腹冷氣痛疰癖酒煎服亦搗汁溫服

倚待草

藏器曰生桂州如安山谷葉圓高二三尺八月采味甘溫無毒主血氣虛勞腰膝疼

弱風緩羸瘦無顏色絕陽無子婦人老血浸酒服逐病極速故名倚待

藥王草

藏器曰苗莖青色摘之有汁味甘平無毒解一切毒止鼻衄吐血祛煩躁

筋子根

藏器曰生四明山苗高尺餘葉圓厚光潤冬不凋根大如指亦名根子味苦溫無毒

主心腹痛不問冷熱遠近惡鬼氣注射痛霍亂蠱毒暴下血酒飲磨服頌曰根子生威州山中味苦

辛溫主心中結塊久積氣攻臍下痛

盧藥

藏器曰生胡國似乾茅黃赤色味鹹溫無毒主折傷內損癰血生膚止痛治五臟除邪氣

補虛損產後血病水煮服之亦搗傅傷處時珍曰外臺秘要治墮馬內損取盧藥末一兩牛乳一錢

煎服

無風獨搖草

拾遺珣曰生大秦國及嶺南五月五日采諸山野亦往往有之頭若彈子

尾若鳥尾兩片開合見人自動故曰獨搖性溫平

無毒主頭骨遊風遍身癢煮汁淋洗藏器曰帶之

令夫相愛時珍曰羌活天麻鬼臼薇銜四者皆名

無風獨搖草而物不同也段成式酉陽雜俎言雅

州出舞草三葉如決明一葉在莖端兩葉居莖之

半相對人近之歌謳及抵掌則葉動如舞按此即

虞美人草亦無風獨搖之類也又按山海經云姑

媯之山帝女死焉化為薔其葉相重花黃實如兔

絲服之媚人郭璞注云一名荒夫草此說與

陳藏器佩之相愛之語相似豈即一物與

唐海藥本草 一種

宜南草

珣曰生廣南山谷有莢長二尺許內有薄片似紙大小如蟬翼主邪中男女以緋絹

袋盛佩之臂上辟惡止驚此草生南方故名與萱草之宜男不同

宋開寶本草 一種

陀得花

志曰味甘平無毒主一切風血浸酒服生西國胡人將來胡人采此花以釀酒呼為

三勒漿

宋圖經外類 二十種

建水草

頌曰生福州枝葉似桑四時常有土人取葉焙乾研末溫酒服治走注風痛

百藥祖

頌曰生天台山中冬夏常青土人采葉治風有效

催風使 頌曰生天台山中冬夏常青土人采葉治風有效時珍曰五加皮亦名催風使

刺虎 頌曰生睦州凌冬不凋采根葉枝入藥味甘主一切腫痛風疾剉焙為末酒服一錢時珍

曰壽域方治丹瘤用虎刺即壽星草搗汁塗之又伏牛花一名隔虎刺

石逍遙 頌曰生常州冬夏常有無花實味苦微寒無毒主癱瘓諸風手足不遂為末煉蜜丸

梧子大酒服二十九日二服百日瘥久服益氣輕身初服時微有頭痛無害

黃寮郎 頌曰生天台山中冬夏常青土人采根治風有效時珍曰按醫學正傳云黃寮郎俗

名倒摘刺治喉痛用根搗汁入少酒滴之即愈又醫學集成云牙痛者取倒摘刺刀上燒之取煙煤

綿蘸塞痛處即止

黃花了 頌曰生信州春生青葉三月開花似薜菜花黃色秋中結實采無時治咽喉口齒病

效

百兩金

頌曰生戎州河中府雲安軍苗高二三尺有榦如木凌冬不凋葉似荔枝初生背面

俱青秋後背紫面青初秋開花青碧色結實如豆大生青熟赤無時采根去心用味苦性平無毒治

壅熱咽喉腫痛含一寸嚙汁其河中出者根赤如蔓菁莖細青色四月開碎黃花似星宿花五月采

根長及一寸曬乾用治風涎

地茄子

頌曰生商州三月開花結子五六月采陰乾味微辛溫有小毒主中風痰涎麻痺下

熱毒氣破堅積利膈消癰腫瘡癤散血墮胎

田母草

頌曰生臨江軍無花實三月采根性涼主煩熱及小兒風熱尤效

田麻

頌曰生信州田野及溝澗旁春夏生青葉八月中生小莢冬月采葉治癰瘡腫毒

芥心草

頌曰生淄州引蔓白色根黃色四月采苗葉搗末治瘡疥甚效

苦芥子

頌曰生秦州苗長一尺餘莖青葉如柳開白花似榆葉其子黑色味苦大寒無毒明目治血

風煩躁

布里草

頌曰生南恩州原野中莖高三四尺葉似李而大至夏不花而實食之瀉人采根皮

焙為末味甘寒有小毒治瘡疥殺蟲

茆質汗

頌曰生信州葉青花白七月采根治風腫行血有效

胡堇草

頌曰生密州東武山田中枝葉似小堇菜花紫色似翹軻花一枝七葉花出兩三莖

春采苗味辛滑無毒主五臟營衛肌肉皮中痂血止痛散血搗汁塗金瘡凡打撲損傷筋骨惡癰腫

用同松枝乳香亂髮灰花桑柴炭同搗丸彈子大每酒服一丸其痛立止

小兒羣

頌曰生施州叢高一尺以來春夏生苗葉無花冬枯其根味辛性涼無毒同左纏草

即葵花根焙乾等分爲末
每酒服一錢治淋疾無忌

獨腳仙

頌曰生福州山林旁陰泉處多有之春生苗葉圓落下紫腳長三四寸秋冬葉落夏

連根葉采焙爲末酒煎
半錢服治婦人血塊

撮石合草

頌曰生眉州平田中莖高二尺以來葉似穀葉十二月萌芽二月有花不結實

其苗味甘無毒療金瘡

露筋草

頌曰生施州株高三尺以來春生苗隨卽開花結子碧綠色四時不凋其根味辛瀉

性涼無毒主蜘蛛蜈蚣傷
焙研以白礬水調貼之

本草綱目

三十九種

九龍草

時珍曰生平澤生紅子狀如楊梅其苗解諸毒治喉痛搗汁灌之折傷骨筋者搗罨

患處蛇虺傷者搗汁入雄黃二錢服其痛立止又楊清叟外科云喉風重舌牙關緊閉者取九龍草

一名金釵草單枝上者為妙只用根不用皮打碎綿裹筋上擦牙關即開乃插深喉中取出痰涎仍

以火炙熱帶鹽點之即愈

荔枝草

時珍曰衛生易簡方治蛇咬犬傷及破傷風取草一握約三兩以酒二盃煎一盃服

取汗出效

水銀草

時珍曰衛生易簡方治眼昏每服三錢入木賊少許水一盞煎八分服

透骨草

時珍曰治筋骨一切風溼疼痛攣縮寒溼腳氣孫氏集效方治癘風遍身瘡癰用透

骨草苦參大黃雄黃各五錢研末煎湯于密室中席圍先熏至汗出如雨淋洗之普濟方用治反胃

吐食透骨草獨科蒼耳生牡蠣各一錢薑三片水煎服楊誠經驗方治一切腫毒初起用透骨草漏蘆防風地榆等分煎湯綿蘸乘熱不住盪之二三日即消

蛇眼草時珍曰生古井及年久陰下處形如淡竹葉背後皆是紅圈如蛇眼狀唐瑤經驗方

治蛇咬搗爛傳患處

鷲項草時珍曰臞仙壽域方治咽喉生瘡取花同白芷椒根皮研末吹瘡口即效

蛇魚草時珍曰戴原禮證治要訣云治金瘡血出不止搗傅之

九里香草時珍曰傅滋醫學集成治肚癰搗碎浸酒服

白筵草時珍曰香草也蟲最畏之孫真人千金方治諸蟲瘡疥癩取根葉煎水隔日一洗

環腸草時珍曰張子和儒門事親方治蠱脹曬乾煎水日服以小便利為度

本草綱目

劄耳草

時珍曰王執中資生經治氣聾方申用之

耳環草

時珍曰危亦林得效方治五痔接軟納患處即效一名碧蟬兒花

銅鼓草

時珍曰范成大虞衡志云出廣西其實如瓜治瘍毒

蠶繭草

時珍曰摘玄方治腫脹用半斤同冬瓜皮半斤紫蘇根葉半斤生薑皮三兩煎湯熏

小便清長自然脹退

野苡草

時珍曰摘玄方治痞滿用五斤以一半安烏盆內置雞子十箇在草上以草一半蓋

之米醋浸二宿雞子殼軟乃取于飯上蒸熟頓食之塊漸消也經驗

織霞草

時珍曰陳巽經驗方元臟虛冷氣攻臍腹痛用硃砂一兩生烏頭去皮二兩織霞草

二兩為末以小沙罐固濟慢火燒赤以此草拌入內不蓋口頂火一秤煨之爐冷取出同烏頭末

蒸餅丸梧子大每服三丸醋湯下

牛脂芳

時珍曰經驗良方治七孔出血為粗末每服一勺瓦器煎服以紗合頭項并紮小指

根

鴨腳青

時珍曰普濟方治疔瘡如連珠者同薊蘇研爛糖水拌刷之

天仙蓮

時珍曰衛生易簡方治惡毒瘡癩搗葉傅之

雙頭蓮

時珍曰一名催生草主婦人產難左手把之即生又主腫脹利小便衛生易簡方治

大人小兒牙疳搗爛貼之

豬藍子

時珍曰衛生易簡方治耳內有膿名聾耳用子為末筒吹入不過二三次愈

天芥菜

時珍曰生平野小葉如芥狀味苦一名雞痢黏主蛇傷同金沸草入鹽搗傅之王璽

醫林集要治腋下生腫毒以鹽醋同搗傳之
散腫止痛膿已成者亦安亦治一切腫毒

佛掌花

時珍曰普濟方治疔瘡如櫻桃者用根
同生薑蜜研汁服之外以天茄葉貼之

郭公刺

時珍曰一名光骨刺取葉搗細油調傳天
泡瘡虞搏醫學正傳治哮喘取根剉水煎

服即止

邊箕柴

時珍曰生山中王永輔惠濟方治癩瘡取
皮煎湯服須臾癢不可忍以手爬破出毒

氣即愈

碎米柴

時珍曰主癰疽發
背取藥入傳藥用

羊屎柴

時珍曰一名牛屎柴生山野葉類鶴蝨四
月開白花亦有紅花者結子如羊屎狀名

鐵草子根可毒魚夏用苗葉冬用根主癰疽發背
搗爛傳之能合瘡口散膿血乾者為末漿水調傳

又治下血如傾水取生根一斤生
白酒二斗煮一斗空心隨量飲

山枇杷柴時珍曰危亦林得效方治湯
火傷取皮焙研末蜜調傅之

三角風時珍曰一名三角尖取石上者尤
良主風溼流注疼痛及癰疽腫毒

葉下紅時珍曰主飛絲入目腫痛同鹽少許絹
包滴汁入目仍以塞鼻左塞右右塞左

滿江紅時珍曰主癰
疽入膏用

隔山消時珍曰出太和山白色主腹脹積滯孫天
仁集效方治氣膈噎食轉食用隔山消二

兩雞肫皮一兩牛膽南星朱砂各一兩急性子
二錢為末煉蜜丸小豆大每服一錢淡薑湯下

石見穿時珍曰主骨
痛大風癰腫

醉醒草時珍曰天寶遺事玄宗于興慶池邊植之
叢生葉紫而心殷醉客摘草嗅之立醒

本草綱目

墓頭回

時珍曰董炳集驗方治崩中赤白帶下用一把酒水各半盞童尿半盞新紅花一捻

煎七分臥時溫服日近者一服久則三服愈其效如神一僧用此治蔡大尹內人有效

羊茅

時珍曰羊喜食之故名普濟方治喉痹腫痛搗汁嚥之

阿兒只

時珍曰劉郁西域記云出西域狀如苦參主打撲傷損婦人損胎用豆許嚥之自消

又治魚鼠瘡

阿息兒

時珍曰西域記云出西域狀如地骨皮治婦人產後衣不下又治金瘡膿不出嚼爛

塗之即出

奴哥撒兒

時珍曰西域記云出西域狀如桔梗治金瘡及腸與筋斷者嚼爛傳之自續也

本草綱目草部卷之二十一終